



CENTRALE BANK VAN ARUBA

## “State of the Economy” prome trimester di 2017

Comunicado di Prensa<sup>1</sup>

1 di November, 2017

*Awe Banco Central di Aruba (BCA) ta publica e asina yama “State of the Economy” pa e di prome trimester di 2017. E publicacion aki ta provee un sinopsis di e desaroyonan economico local y internacional pa e periodo aki. E puntonan mas importante ta wordo presenta abou, incluyendo un resumen di e indicadornan economico principal.*

Den e prome trimester di 2017, indicadornan economico ta señala inicialmente un recuperacion di e economia cu e desaroyo alentador di e sector turistico como e motor principal. Ingreso turistico y hotelero a subi indicando cu e expansion di e mercado Mericano tabata suficiente pa cancela e efectonan negativo di e derumbe di e mercado Venezolano. Di acuerdo cu varios indicador, inversionnan di e sector priva a accelera. Importacion di metalnan basico, machine y aparatonan electrotechnico a expande substancialmente. Al contrario, e cantidad di permiso pa construccion duna a cay (-11,8 por ciento), aunque cu e balor total di e permiso a bira casi dobel (+97,9 por ciento). Mientrastanto, fianza pa construccion di cas a muestra un 0,7 por ciento subida, pero hipotecanan comercial a cai cu 1,3 por ciento.

Indicadornan di consumo ta sigui muestra un imagen diverso den e prome trimester di 2017. Credito na consumidor a indica un caida di 2,3 por ciento den e prome trimester compara cu December 2016. Datonan di entrada di belasting, di otro banda, ta señala un crecimiento den consumo. Entrada di BBO y impuesto riba importacion a resulta den crecimiento di 9,6 por ciento y 2,9 por ciento, respectivamente, parcialmente causa pa mas esfuerso den coleccion. Entrada di accijns a crece cu 48,9 por ciento carga pa un subida significante riba accijns di tabaco (pa e pre-compra di stampia) y tambe pagonan atrasa relata na accijns riba gasolin. Sin e efectonan incidental, ta calcula cu entrada di accijns toch lo muestra un crecimiento substancial.

Na fin di e prome trimester di 2017, e deficit di gobierno (incluyendo cambio den pagonan atrasa) tabata Afl. 93,4 miyon, financia principalmente pa un emision di bono di gobierno riba e mercado domestico. E debe total di gobierno a yega na Afl. 4.090,8 miyon, un subida

---

<sup>1</sup> E original na Ingles ta prevalece.

di Afl. 65,5 milyon den e periodo bou repaso. Consecuentemente, e debe den porciento di e PDB ta surpasa e nivel di 85 porciento, yegando na 85,4 porciento.

Den e prome trimester di 2017, e balansa di pago a registra un surplus di Afl. 41,7 milyon compara cu un surplus di Afl. 103,1 milyon den e prome trimester di 2016. E surplus den e prome trimester di 2017 ta debi na un balans positivo den cuenta corriente cu a wordo rebaha parcialmente pa un deficit den e cuenta di capital y di finansa. Reservanan oficial a realiza un crecimiento chikito den e prome trimester di 2017 (+Afl. 18,8 milyon). Consecuentemente, reservanan total (incluyendo diferencianan den revaluacion) a alcanza Afl. 1.952,7 milyon. E tasa di cobertura di importacion a yega 5,4 luna, cu ta 0,2 luna mas abou cu na e fin di e prome trimester di 2016.

**Tabel: Indicadornan economico principal pa prome trimester di 2017**

Indicador	2016 Jan-Mar	2017 Jan-Mar	Cambio
Ingreso turistico (Afl. milyon)	842,8	872,5	29,7
Cantidad di turista	310.255	263.565	-46.690
Cantidad di cement importa (1000 kg.)	15.449	13.639	-1.810
Entrada di BBO (Afl. milyon)	23,4	25,6	2,2
Impuesto riba entrada y ganashi (Afl. milyon)	117,9	76,9	-41,0
Tasa di inflacion, promedio anual (porcentahe)	0,0	-0,7	-0,7
Indice di Confiansa di Consumidor (punto di indice)	94,5	96,0	1,5
Debe di gobierno (Afl. milyon)	3.952,1	4.090,8	138,7

Fuentenan: BCA, ATA, CBS.

E publicacion completo ta disponibel riba BCA su website ([www.cbaruba.org](http://www.cbaruba.org)).